

o lavadoiro san sadurniño

Programa de **prevención,**
formación e sensibilización
en materia de **violencia machista**

QUE?

“Un vecino de Betanzos, conocido por Arturito, estaba celoso de su novia, que por lo visto bailó con otros en un baile de “La Camelia”, y no encontró mejor cosa para llamarle la atención, que dirigirse al lavadero público, donde ella estaba lavando, y empezar a regañarle, intentando maltratarla.

Nunca tal hiciera, pues las lavanderas todas le dieron tal cantidad de bofetadas y arañazos, que le pusieron la cara hecha un mapa. Y menos mal que acudieron en su ayuda, que sinó nadie le salva de llevarse un remojón, dadas las intenciones que tenían de tirarlo al río.”

El Correo Gallego, 8/03/1927
(texto recuperado pola AC Alexandre Bóveda)



arabías



o lavadoiro san sadurniño

Programa de **prevención, formación e sensibilización** en materia de **violencia machista**

QUE É?

Un espazo para compartir información, coñecemento e aprendizaxe para a prevención, formación e sensibilización sobre a violencia machista dirixido a mulleres e homes dos Concellos de Moeche e San Sadurniño. Trátase de tecer unha rede municipal de sororidade que dea apoio ás mulleres en situación de violencia machista e sexa unha alternativa baseada que poña a vida e os coidados no centro.



arabías



o lavadoiro san sadurniño

Programa de **prevención, formación e sensibilización** en materia de **violencia machista**

POR QUE?

Porque precisamos espazos nos que abordar a violencia machista en toda a súa complexidade, para darlle a volta a historia que contamos no inicio, a historia de sempre, a historia da violencia contra as mulleres. Por iso, precisamos alternativas para...

...a **moza de Betanzos**, da que descoñecemos o nome, porque ten dereito a vivir unha vida de botrato libre de violencias.

...**Arturito**, porque a inmensa maioría dos homes non maltrata e el tamén pode desaprender o aprendido e incorporar na súa vida o botrato.

...**as lavandeiras**, porque precisamos recuperar espazos propios para nós como os das nosas ancestras nos que apoiarnos, coidarnos e defendernos para facerlle fronte ás violencias. Espazos para o exercicio da sororidade.

...**os homes que acoden na axuda de Arturito**, porque en vez de lexitimar a

violencia machista é necesario e urxente que os homes dean a cara, deixen de ser cómplices dos agresores e descubran que outras maneiras de ser home son posibles.

...**a veciñanza**, porque os lavadoiros son espazos de encontro e diálogo comunitarios nos que construímos unha sociedade onde a igualdade de xénero sexa unha realidade.

...**as institucións públicas**, porque teñen o deber de pór en marcha políticas públicas de igualdade e dotalas de medios para erradicar e previr as violencia machista en todas as súas formas e manifestacións.



Deputación
DA CORUÑA



arabías



San Sadurniño
www.sansadurnino.gal

o lavadoiro san sadurniño

Programa de **prevención, formación e sensibilización** en materia de **violencia machista**

PARA QUE?

No pasado, os lavadoiros públicos eran espazos ocupados por mulleres. Lugares onde as veciñas acudían para lavar a roupa mais tamén para conversar, compartir experiencias e intercambiar coñecementos. Neste proceso, afianzábanse os vínculos afectivos e a sororidade entre elas. Convertíanse tamén en espazos de resistencia fronte á violencia machista.

O lavadoiro xorde para crear un espazo de encontro feminista que, a diferenza dos antigos lavadoiros, permita a entrada aos homes e os emprace a lavar conxuntamente os trapos sucios do machismo de forma aberta e pública.

Un espazo para construímos outras maneiras de relacionarnos e bentratarnos en igualdade que posibiliten a erradicación da violencia machista.

Porque os trapos sucios non se lavan na casa!
A violencia machista non é algo privado!



Deputación
DA CORUÑA



arabías



San Sadurniño
www.sansadurnino.gal

o lavadoiro san sadurniño

Programa de **prevención, formación e sensibilización** en materia de **violencia machista**

COMO?

O lavadoiro é un espazo para a abordaxe integral da violencia machista para o que ofrece os seguintes servizos:

- Atención psicolóxica dirixida a mulleres en situación de violencia machista.
- Formación especializada dirixida a:
 - Mulleres de Moeche e San Sadurniño que queiran formar parte dunha rede de facilitadoras que permita previr e dar apoio ante situacións de violencia machista a nivel municipal.
 - Homes de Moeche e San Sadurniño con intención de avanzar cara outros modelos de masculinidade afastados da violencia e a discriminación das mulleres.
 - Persoal técnico dos Concellos de Moeche e San Sadurniño, para garantir a integración transversal do principio de igualdade de xénero a nivel municipal.
- Proceso participativo e comunitario para crear un espazo de traballo común para mellorar a coordinación dos distintos axentes implicados ante situacións de violencia machista.



arabías

